



Medlem af Inatsisartut  
Juliane Henningsen, Inuit Ataqtigiit  
/Her

**Cigaretতিকতु aamma eqqagassalerinermut inatsit pillugu § 37  
naapertorlugulnatsisartuni ilaasortaq Juliane Henningsen-imit Inuit  
Ataqtigiit, aepquteqaammut akissuteqaat**

24-03-2014  
Sags nr. 2014-097307  
Dok. nr. 1526503

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: apn@nanoq.gl  
www.naalakkersuisut.gl

Asasara Juliane Henningsen

Ulloq 12. marts 2014 cigaretতিকতু aamma eqqagassalerinermut inatsit pillugit Naalakkersuisunut arlalinnik apeqquteqarputit. Apeqqutinut qujavunga, taakkualu matuma kinguliani akineqarput.

**Apeqqut:**

- 1) Igitassanik paaaneq pillugu Namminersornerullutik Oqartussat nalunaarutaat nr. 28, 17. september 1993-imeersoq qaqugu Naalakkersuisut nutarternialersaarpaat**

*Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersup iluarsaanneqarneranut suliaqarneq aallartereerpoq.*

- 2) Nalunaarutip qulaani taaneqartup § 15-iata nutarterneqarnera cigaret-sikunut eqqaavinnut matoqqasunut aamma tunngatinneqalersinnaanera Naalakkersuisut sukku immikkut ittumik iluaqutissartaqassasorivaat?**

*Igitassanik eqqaasarneq pillugu Namminersornerullutik Oqartussat nalunaarutaanni nr. 28-imi, 17. september 1993-imeersumi § 15-imi pineqarpoq "... Igitassanik sunilluunniit nunaminertanut namminersortunit pisortanilluunniit pigineqartunut inissiisoqaraniluunniit eqqaasoqassanngitsaq". Taamaalilluni aalajangersakkami eqqaavinnut matoqqasunut piumasaqaateqartoqanngilaq, kisiannili innuttaasut aamma suliffeqarfiit pissusilersortarnerannut maleruagassiinissaq eqqarsaatigineqarluni (§ 25 nr. 1-imi allassimavoq unioqputitsinermi akileeqqusissuteqarnikkut pineqaatissiisoqarsinnaasoq).*

*Igitassanik eqqaasarneq pillugu Namminersornerullutik Oqartussat nalunaarutaanni nr. 28-imi 17. september 1993-imeersumi § 16 imm. 4-imi allassimavoq "Illoqarfiit nunaqarfiillu iluini nunaminertani tamanit*

orninneqartartuni eqqaavinnik containerinillu eqqaaviusinnaasunik kommunalbestyrelsi ilioqqaatitsisassaaq”. Aalajangersakkamut tassunga atatillugu siunissami cigarettikunut eqqaavinnik matoqqasunik piunasaqaateqartoqassappat, tamanna ilanngunneqarsinnaassaaq.

Cigarettekit igiinnakkat avatangiisitsinni ataatsimoorfigisartakkatsinni kusanaallisaapput aammalu akuutissanik toqunartoqartunik avatangiisnut mingutsitsisunik akoqarlutik, taamaattumik cigarettekitunut eqqaaviit amerlanerusut ikkussorneqarnissaat iluarissavara. Cigarettekitunut eqqaaviit matoqqasut pillugit piunasaqaammik ilanngussinermi iluaqutissartaasut pingaartumik tassaassapput, cigarettekitunik isumannaatsumik igitsisarnissaq ajornannginnerulissasoq, taamaalilluni cigarettekit nunamut igiinnarneqartarlutik periaaseqarneq allanngortissinnaassallutigu. Tamatuma saniatigut cigarettekit taakkununga eqqaavissanut isumannaatsunut ikineqartarpata, eqqakkat allat cigarettekitunit aamaartunit kukunneqarsinnaanerisa aarlerinaateqarnera annikillisinneqassaaq.

**3) Nutarterinermut atatillugu Naalakkersuisut akimmisaarnarnerusumik, tamatuma ilagalugu pineqaatissiinermut periarfissat sukateriffiqineqar-nissaat, nutaamik nalunaarutiliulersaarpat?**

Inatsisip aammalu maannakkut eqqagassalerinermut nalunaarummi atuuttumi oqariartuutiqineqartutut, eqqagassalerinermut suliassaqarfik kommunit akisussaaffeqarfigaat. Taamaalilluni pineqaatissiinissamut periarfissat nalunaarummi allattorsimasut atornissaat kissaatigineqarnerasoq kommunit aalajangiiffiqisussaavaat – assersuutigalugu § 15-imik unioqutitsinermi.

Nalunaarutip iluarsaanneqarnissaanut siunertaavoq maleruagassat atuutereersut nalunaarummi ataatsimi ataatsimoortilernissaat, taamaalillunilu ersarinnerulersitsinissaq. Tassunga ilanngullugu eqqarsaatigineqarpoq kommuninut arlalinnik allaffissornikkut piunasaqaateqartoqassasoq. Inatsisini atuutereersuni allassimareersunik nalunaarummi killilersuinerusumik piunasaqaateqartoqassanersoq isummerfigineqanngilaq. Kisianni ataatsimut isigalugu eqqagassalerinermut inatsimmik malinninnginneq innuttaasunut, suliffeqarfinnut aammalu kommuninut pineqaatissiisarnermik annertunerusumik kinguneqartassasoq Naalakkersuisut kissaatigaat.

Nalunaarutip iluarsaanneqarneranut atatillugu unioqutitsinernut pineqaatissiissutaasartut annertusitinnissaat Naalakkersuisut eqqarsaatiginnikkallarpat.

**4) Nutarterinermut atatillugu Kalaallit Nunaata nunanit allanit, soorlu Singapore-mit, taamatut assingusunik peqqussuteqarfiusunit isumassarsiorsinnaanera Naalakkersuisut isumaqataaffigivaat?**

Singapore-mi igitassanik, aamma annikitsuaqqanik cigarettikutut itturnik, igitillutit siullermeertumik tigusaaguit 1400 koruunit missaannik akileeqqusissummut akiliisussanngussaait. Igitassanik aqqusinermut arlaleriarlutit igitiguit 10 000 koruunit angullugit akileeqqusissummik pineqaatissinneqarsinnaavutit aammalu inuiaqatigiinni kiffartuussinermik suliaqarnissamik pinngitsaalisaasinnaallutit. Naalakkersuisut soorunami nunani allani suliniutit inatsisillu naleqqussimatillugit isumassarsiorfigisarpaat, kisianni taamaattoq inatsisit najukkatsinni pissutsinut aammalu pisortat ingerlatsineranni porsarsimassutsimut naapertuutissasut Naalakkersuisut pingaartittorujussuaat. Taamaattumik isumassarsiorfigisassavut tasaanerussapput nunat avannarliit sanilivut, taakkunani inuiaqatigiit aaqqissuusaanerat, eqqartuussisarnermi periaatsit aammalu inatsisilerinerup inerisarneqarnera Kalaallit Nunaanni pisartunut assigupput.

**5) Paasisitsiniaanissaq qaqugu aallartinneqassava kinguaariinnullu tamanut tunngatinneqarsinnaaqqullugu tusagassiuutit suut atorlugit Naalakkersuisut tamanna qanoq naammassinalersarpaat?**

Paasititsiniaaneq immikkoortuni marlunni ingerlanneqassaaq. Immikkoortoq 1 maajimi aallartissaaq aammalu immikkoortoq 2 aggustimi septembarip tungaanut ingerlanneqassasoq pilersaarutaalluni. Tusagassiuutit makkua atorneqarnissaat pilersaarutigineqarpoq: raatiumi aallakaatitat naatsut, ussasaarutitut filmiliat, facebook, youtube, najukkani "aaqqissuussinerit" il.il. paasititsiniaaneq pillugu paasissutissiisussat.

paasititsiniaaneq pingaartumik meeqqanut inuusuttunullu 10-16-inik ukioqartunut sammititaavoq. Naatsorsuutigineqarpoq inuusuttut ilaquuttaminni oqariartuuteqarnermut "ambassadøreritut" atuutissasut. Taamaaliornikkut paasititsiniaanerup sapinngisamik amerlanerpaanik siunnerfeqarnissaa qulakkeerneqassaaq.

**6) Paasisitsiniaanissap suliarineqarnerani KANUKOKA Naalakkersuisut sule-qatigivaat?**

KANUKOKA aamma kommunit paasititsiniaaneq pillugu ilisimatinneqareerput. Kommunit ataasiakkaat tamarmik attaveqarfiussamik najukkami atuutsitsinissamik qulakkeerisussamik toqqaareerput.

Inussiarnersumik inuulluaqqusillunga  
Med venlig hilsen

Kim Kielsen